

Ole faatumauina o le gagana a lou aiga ua fai ma faavae i le fausiaina ai o gagana uma mulimuli ane ai. E mafai ona iloa e lou alo ni gagana pe a latou maua avanoa e vaai, faalogo ma fesoota'i ma āta faata'ita'i malolosi o gagana.

O Latou e Tomai i A'oa'oga Amata a le Tamaitiiti ma tautua ua ta'ita'ia e le *Tausaga Amata o le A'oa'oina a Victoria ma Galuega Tauatia'e* (VEYLDF). E iloa e le Fausaga o le tele o gagana o se aseta ma e faavae ai le faamoemoe e faapea o le a lagolagoina tamaiti ina ia faatumauina le gagana a o latou aiga, a'oa'o le Faa-Igilisi e ave ma gagana faaopoopo, ma a'oa'o isi gagana e ese mai le Faa-igilisi a'o iai i A'o'aoga i Tausaga Amata ma le polokalame CARE (VEYLDF, 2016).

E tele faamanuiaga mo lou alo i le faatumauina ma faaauau ona atia'e gagana a o latou aiga:

- E mafai ai e lou alo ona faalautele ona fetu'una'i le mafaufau ma atia'e e ala i le faaaogaina o le gagana a lou aiga.
- O le faatumauina o le gagana a lou aiga e tāua mo faia faaleaiga, fausia o fesootaiga ma se lagona o loo iai i'inā.
- O le gagana a le aiga e fesoota'i lelei i le tulaga e iloa ai lou alo, aganuu ma le maloloina lelei.
- O le sologa lelei o le tatutala i le gagana a lou aiga e fesoasoani i lou alo e a'oa'oina ai isi gagana faaopoopo e pei o le Faa-Igilisi.

Ua faamatala e le VEYLDF (2016) iā latou o fai ma a'oa'o e faapea 'o le mauaina ma faatumauina o le gagana muamua o aiga e iai se vaega iloga ma faaauau ai i le fafauina o le tulaga e iloa ai' (pg. 18). O lea la, o se vaega e tāua tele le lagolagoina o le atia'eina o le Faa-Igilisi e fai ma gagana faaopoopo mo latou o faia a'oa'oga ma aiga o le galulue faatasi e ave o ni pa'aga e faalaeiau ma fesoasoani i tamaiti e faatumauina ma faaauau ona atia'e gagana a o latou aiga.

Atia'eina o le Faa-Igilisi e fai ma Gagana Faaopoopo i A'oa'oga Amata o Tamaiti ma Si'omaga o Tausiga

O le a tele avanoa e mafai ai e lou alo ona a'oa'oina le Faa-Igilisi i A'oa'oga Amata a le Tamaiti i Victoria ma le Si'omaga o Tausiga. Ua ta'u mai e suesuega iā tatou e

faapea 'e mafai ona taulau manuia tamaiti i le a'oa'oina o le Faa-Igilisi (poo isi gagana) e fai ma gagana faaopoopo e ala i le faalogo i le gagana, iai ni faata'ita'iga manino ma le a'oa'o atu o le gagana, ma le taimi talafeagai ai i le iloina o se gagana fou' (VEYLDF, 2016, pg. 22).

Iloaina o se gagana e tasi e mafai ona fesoasoani i tamaiti e malamalama i le auala e faaoga ai isi gagana. O tomai e atia'e e tamaiti i se gagana e tasi e mafai ona faatatau atu i se gagana fou. E auala mai i le gagana a le aiga e faapea ona mafai ai e tamaiti ona iloa le uiga o le gagana fou, ana tulafono ma upufou. Pe a afia loloto lou alo i si'omaga o le gagana Igilisi, o le a latou maua le avanoa e faalogo ai i le Faa-Igilisi i ona uiga tāua eseese. O le a latou mananao e auai ma ta'alo ma isi tamaiti ma latou o faia a'oa'oga e fai ma āta o faata'ita'iga lelei ma e tele avanoa mo lou alo e faalogo ma faata'ita'ia ai le Faa-Igilisi.

O tomai i le gagana e tuputupua'e i le vave e tusa ai ma mea na o'o muamua i le tamaitiiti i lea gagana, o le tele na faalogo ai i le gagana fou ma si'omaga fou o latou a'oa'oina ai. E a'oa'oina e tamaiti le tele o gagana i le taimi e tasi, mo se vaitaimi, tele ina tautala i se gagana e tasi nai lo isi. I le amataga, atonu e faafefiloi ai e tamaiti gagana pe a latou tautatala. Atonu latou te iloina le upu i le gagana e tasi ae e le o le isi gagana. Ina ia faatumauina le sologa lelei o le talanoaga, latou te fa'aaogā ai upu latou te iloina. O tomai masani ma le fetu'utu'unai nei o tamaiti a'o latou fa'aaogaina a latou gagana i le tele o mea e faatatau atu iai.

Manatua...

E tele le taimi e fa'aalu e atia'e ai le sologa lelei o talanoaga i se gagana fou ma e manaomia e tamaiti le taimi ma le fesoasoani e aunoa ma le faamalosia mai tagata matutua o siomia ai latou a'o latou iai i le faagasologa o le a'oa'oina o se gagana faaopoopo.

O le Aiā Tatau a le tamaitiiti le fa'aaogā ma a'oa'oina le gagana a o latou aiga (UNCRC, 1989).

References

Department of Education and Training, 2016. *Victorian Early Years Learning and Development Framework*.

UNICEF, 1989. *United Nations Convention on the Rights of the Child* (UNCRC).